



BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
KANTONALNO TUŽILAŠTVO
UNSKO-SANSKOG KANTONA
BIHAĆ

Broj: A-974/22

Datum: 07.12.2022.god.

Na osnovu člana 64.stav 1. tačka b), člana 70. i člana 89. Zakona o javnim nabavkama BiH („Službeni glasnik BiH“, broj 39/14), na preporuku Komisije za javnu nabavku broj : A-974/22 od dana 07.12.2022.god. glavna kantonalna tužiteljica *d o n o s i* :

ODLUKU **o izboru najpovoljnijeg ponuđača**

Član 1.

Prihvata se preporuka Komisije za javnu nabavku broj : A-974/22 od dana 07.12.2022.god. i Ugovor za javnu nabavku roba – putničko motorno vozilo sa 5 sjedišta za potrebe Kantonalnog tužilaštva USK Bihać, dodjeljuje se ponuđaču UNA AUTO d.o.o. Bihać, za ponuđenu cijenu od 38.431,54 KM bez PDV.

Član 2.

Prijedlog ugovora o nabavci dostavit će se na potpis izabranom ponuđaču UNA AUTO d.o.o. Bihać po protoku roka od 10 dana, računajući od dana dostavljanja obavještenja.

Član 3.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama BiH.

Obrazloženje

Postupak javne nabavke roba –putničko motorno vozilo sa 5 sjedišta za potrebe Kantonalnog tužilaštva USK Bihać, pokrenut je Odlukom o pokretanju javne nabavke broj : A-973/22 od dana 03.11.2022.god.

Javna nabavka je provedena putem konkurentskog zahtjeva za dostavu ponuda.

Procjenjena vrijednost javne nabavke je 38.461,54 KM bez PDV-a.

Obavještenje o nabavci broj : 1092-7-1-24-3-8/22 dostavljeno je na objavu dana 18.11.2022.god.

Radi provođenja postupka nabavke formirana je Komisija Odlukom glavne kantonalne tužiteljice broj : A-974/22 od dana 03.11.2022.god.

Ugovorni organ je putem Komisije proveo postupak prikupljanja ponuda, kao i ostale aktivnosti vezano za nabavku shodno odredbama Zakona o javnim nabavkama BiH

Kriterij za dodjelu Ugovora, po konkurentskom zahtjevu shodno odredbi člana 64. Zakona o javnim nabavkama BiH je najniža cijena tehnički zadovoljavajuće ponude.

Nakon isteka roka za podnošenje ponuda evidentirano je da je u roku pristigla samo ponuda ponuđača UNA AUTO d.o.o. Bihać, dana 30.11.2022.godine u 10:41 sati, putem protokola Ugovornog organa

Komisija za javnu nabavku je blagovremeno i pravilno izvršila otvaranje ponude i ocjenu prispjele ponude u kojem je utvrđeno da je ponuda gore navedenog ponuđača formalno uredna odnosno sadrži svu traženu tendersku dokumentaciju.

r.b.	Naziv ponuđača	Ponuđena cijena bez PDV	Ponuđeni popust	Cijena ponude sa uračunatim popustom	Ukupno ponuđena cijena sa popustom i PDV-om
1.	UNA AUTO D.O.O. BIHAĆ	38.431,54	0,00	38.431,54	38.431,54

S obzirom na navedeno Komisija za javne nabavke dala je preporuku da se Ugovor zaključi sa ponuđačem UNA AUTO d.o.o. Bihać u postupku nabavke – roba – putničko motorno vozilo za potrebe Kantonalnog tužilaštva USK Bihać jer je ponuđač dostavio najnižu cijenu tehnički zadovoljavajuće ponude.

POUKA O PRAVNOM LIJEKU :

Protiv ove Odluke može se izjaviti žalba najkasnije u roku od 5 (pet) dana od dana prijema ove odluke, a u skladu sa čl.99. i čl. 101. Zakona o javnim nabavkama BiH.

Dostavljeno :

1. Ponuđaču
2. U spis
3. a/a



GLAVNA KANTONALNA TUŽITELJICA
Fadila Amidžić